

## Verkefni Guðrúnar Kristinsdóttur á Miðhúsum. Trúnaðarmál

### 1. Taki jarðvegssýni

Jarðvegsýninu er ætlað að varpa ljósi á það af hverju silfrið er svo gljáandi. Þetta var ljósbrún fokmold skv. Þór Magnússyni (PM). Var þétt leirlag, segja Edda og Hlynur í bréfi til Vilhjálms Arnar (VÖV) 14/2 '94. Það var þurrt og blés upp. Styður hugmyndina um að vélgrafan hafi ekki náð alla leið niður að silfrinu við moksturinn og síðan hafi blásið upp. VÖV bað hjónin um að taka jarðvegssýni en þau hafa ekki gert það. Af hverju ekki?

### 2. Taki skýrslu um fundi "eldstæðis" haustið 1980

Á einum stað mátti sjá eldmerkta steina í mokstri vélgröfu, segir PM í grein sinni; þarna var etv. eitthvert hús en varla bæjarhús. Kannaði PM þetta ekki nánar þegar leitað var meira silfurs eftir sjóðfundinn 1980? Hvað segja Edda og Hlynur um það? Þau segja í bréfinu til VÖV að steinar sem lagðir hafi verið í eldstæði hafi komið í ljós síðar um haustið 1980, um 2,5 -3 m frá fundarstað silfursins, og þar í brunagjall og þrjú bein. Páll Pálsson frá Aðalbóli giskaði á að þetta hefði verið smiðja, segja þau í bréfinu. Af hverju létu þau ekki vita um fundinn á Þjóðminjasafni? Þau sendu VÖV beinin í ár og vilja fá aftur. Af hverju fá aftur? Voru búin að geyma beinin í 14 ár. Af hverju?

### 3. Spyri um fundarstað silfurs og nálægð við húsvegg

Silfursjóðurinn er lausafundur og tengist ekki neinu öðru. Var rétt við hornið á nýja húsinu, um 1 m frá. Hvernig getur það verið? Hefur ekki þurft að grafa fyrir sökkli hússins og þá amk. einn metra eða meira út frá þeim stað þar sem veggur skyldi rísa, til að fá vinnupláss? Vélgrafan, sem gróf fyrir stétt, mokaði svona 50-70 sm jarðlagi burt. Þegar grafið var fyrir sökklinum, hefur væntanlega verið grafið svo djúpt eða dýpra? Möö. Það hefur líklega verið búið að róta þarna við húsbygginguna og þar með áður en silfrið fannst? Eða hvað?

I viðtali við Kristján Eldjárn 1980 (til á bandi) sagði Edda: "Það var ekkert rask í kring eða neitt svoleiðis; þetta var alveg bara beint og fínt og ekkert rask ..."

Ber að skilja svo að grafið hafi verið svona 1/2 metra út fyrir staðinn þar sem slegið var upp fyrir vegnum (sökkli), athafnasvæði smiða hafi því verið 1/2 metri og þeir hafa þurft að beygja sig niður 50-70 sm eða meira? Hlýtur bakkinn ekki að hafa þornað? Hefur ekki hrunið úr honum. td. við umgengni smiða? Hvernig gat allt verið "beint og fínt" fyrst blés síðan upp? Var ekki ýtt að og mokað ofan í þegar smíði var lokið?

*Taki jarðvegssýni  
af þessum staðnum  
með því að búa til  
vinnupláss.*

#### 4. Athugi jarðvegsþykkun

Hefur ekki jarðvegsþykkun verið undarlega lítil í 1000 ár ofan á sjóðnum, hafi hann verið grafinn í jörð? Hafi verið þarna smiðja rétt hjá (sbr. eldstæðið), hefur þykkun átt að verða umtalsverð? Hvernig háttar til annars staðar á sömu slóðum? Edda (hjónin) segja í bréfinu að húsið hafi verið reist þar sem var kargaþýfi og því ekki verið sléttáð tún. Fannst silfrið hins vegar þar sem hafði verið sléttáð, rétt við kargaþýfið?

#### 5. Spyrji um tildrog fundarins

Edda sagði VÖV í síma 14/2 '94 að þau hjón hefðu geymt silfrið lengi í plastpoka. Hversu lengi, segist VÖV hafa spurt. Það var "einhver tími", á Edda að hafa sagt. Skv. gögnum frá 1980 fundu þau silfrið kl. 11:30 (dagbók PM; sami fundartími í viðtali Sjónvarps 1/9 1980). Edda hringdi í Þór kl. um 7:30 að kvöldi sama dags, var þá á Reyðarfirði. Í bréfinu til VÖV 14/2 '94 ségir að Hlynir hafi dottið fyrst í hug að láta kyrrt liggja enda talið sig hafa fundið tilvalið smíðaefni en síðan hafi Hilmar Bjarnason á Eskifirði hvatt "þau" til að hringja í Þór. Er rétt hjá VÖV að þau segi aðra sögu núna en þau gerðu 1980 um tildrögin?

#### 6. Spyrji um hrafnshreiður og geri ráðstafanir til að láta kanna

Edda og Hlynur sögðu 1980 frá hröfnum sem hafi eins og fylgst með silfrinu þar sem glytti í það. Havré áttu þeir hreiður? Hefur verið kannað hvort þeir báru eitthvert silfur í hreiður sitt/sín?